

## الحلقة ( 31 ) .. دورة ﴿إِنَّمَا يُبَايِعُونَ اللَّهَ﴾ ..

### #تدبرات\_في\_سورة\_الفتح .. د . حازم شومان

حازم شومان

السلام عليكم ورحمة الله وبركاته. اخواني واخواتي في الله وصلنا بفضل ومنة الله في دورة انما يبايعون الله تدبرات في سورة الفتح اسأل الله ان يفتح علينا فتحة مبينا في ديننا ودنيانا يا رب. اللهم امين. وصلنا للحلقة الثلاثشر فضل ومنة الله. ونحن الان في قول الله - [00:00:01](#)

هم الذين كفروا وصدوكم عن المسجد الحرام والهدي معكوبا ان يبلغ محله. يا جماعة دورة انما يبايعون الله. سورة الفتح يا سورة الذين بايعوا الله سبحانه وتعالى على الحياة في سبيل الله. وعلى الموت في سبيل الله. فانهمرت عليهم فتوحات الله - [00:00:24](#) طاقات الله سورة الفتح سورة تحببك في الدعوة وتخليك تعشق الدعوة الى الله. لان اربع صفحات عطاءات منهمة على اللي قاموا ينصروا الله سورة الفتح سورة تحببك في ربنا اوي. لانها بتقول لك طريق ربنا جميل قد ايه. بتقول لك يا بخت اللي هيصبر على باب ربنا. بتقول لك اللي - [00:00:44](#)

ابزل وهيضحي عشان دعوة ربنا. ربنا ما انتش اكرم من ربنا. انت بتدي له شبابك. انت بتدي له عمرك. انت بتدي لدينه ومواهيك. انت بتديه ما لك وحياتك وخطواتك؟ انت بتدي لربنا كل حاجة. انت مش متخيل ربنا يديك ايه. ربنا هيديك فوق التصور وفوق - [00:01:04](#)

اي طريق ربنا جميل اوي صورة بتحبك في طريق ربنا. سورة الفتح سورة عظيمة سورة بتحبك في الصحابة. اصحاب النبي عليه الصلاة سلام. يا جماعة النبي عليه الصلاة والسلام رأى رؤيا انه رايح الكعبة والصحابة راحوا وراه الكعبة. راحوا وراه الكعبة ده يعني مقتولين مقتولين في هذا الوقت - [00:01:24](#)

تخلوا كده يعني اكبر عالم في الامة الوقتي صحى من النوم قال انا حلمت ان انا رحت صليت ركعتين في المسجد الاقصى. واليهود محاصرين المسجد الاقصى ومانعين الصلاة فيه قال انا رايح يا جماعة تأول الرؤية وطبعا رؤيا النبي عليه الصلاة والسلام حق واحد من عند الله. اللي هيمشي وراءه مقتول مقتول - [00:01:43](#)

مسجد اقصى مين يا عم هم اليهود هيسيبوك كده! تخلوا يا جماعة اللي راحوا وراه النبي عليه الصلاة والسلام ودول ناس كانوا بيضحوا بحياتهم بس كانوا مصدقين النبي الصلاة والسلام. كانوا موقنين بوعد الله سبحانه وتعالى. كانوا موقنين بصدق النبي عليه الصلاة والسلام. قد ايه الصحابة ضحوا يا بخت اللي هيصبر على باب - [00:02:03](#)

تعالوا نستأنف بقى سورة الفتح هم الذين كفروا وصدوكم عن المسجد الحرام والهدي معكوبا ان يبلغ محله. الجملة داهي في الاية رقم خمسة وعشرين. اول حاجة رسالة للمسخراتية رسالة للمتزمين اللي سهل اوي ان هم يستفوزوا ويصطدموا باهل الباطل ويصطدموا بالمجتمع ويصطدموا رسالة - [00:02:23](#)

المسخراتية. رسالة للاخوة السخنة. رسالة للمتزمين اللي فاكرين ان الاصطدام هو الطريق. كل اللي قبل كلمة لولا يخليك فيهم وكل اللي بعد كلمة لولا يخليك فرامل تضرب فرامل لازم يبقى عندك فرامل في نفسك. ما ينفعش اول ما تستفز - [00:02:48](#) تنطلق وتصطدم. ربنا بيقول كلام قبل كلمة لولا ولولا رجال مؤمنون. كلام فعلا يخليك تولع فيهم. هم الذين كفروا اول حاجة ثلاث ضرائب حرب. الجريمة الاولى جرائم حرب في حق الله. كفار. حطوا تلتمة وستين صنم على الكعبة. حطوا الاصنام ما بين الصفا

والمروة - 00:03:08

كفروا بالله نسبوا نعم الله للأصنام واللاوثان. سجدوا للأصنام وحبوا الأصنام. وادوا زهرهم لربنا. وفي انفجروا في دين الله هم الذين كفروا. اتين جرائم الحرب وصدوكم عن المسجد الحرام. جرائم حرب في حق المؤمنين. قد ايه ازوا المؤمنين - 00:03:28  
انصدوكم قد ايه فتنوههم في دينهم. قد ايه خلوا الناس تنتكز. قد ايه منعوا ناس من عبادة ربنا قد ايه سجنوا متدينين قد ايه حاربوا الدين والتدين في المجتمع. يبقى جرائم الحرب الثانية في حق الصالحين. وصدوكم عن المسجد الحرام. جرائم الحرب الثالثة والهدي معكوكا ان يبلغ - 00:03:48

جرائم حرب في حق حرمت الله. يبقى جرائم حرب في حق الله. جرائم حرب في حق عباد الله الصالحين. جرائم حق في حرب في حق حرمت الله حرمت الله والهدي معكوكا ان يبلغ محله. الهدي اللي هو الجمال اللي النبي عليه - 00:04:08  
سلام والابل اللي النبي عليه الصلاة والسلام كان موديا يهديها للكعبة تذبج هناك لما يعتزم عليه الصلاة والسلام معكوكا اي محبوسا حبسوها لحد متنحة للوبر بتاعها لحد ما بان الجلد بتاعها لحد ما منزرها يقطع القلب. ده دي حرمة من حرمت الله لا تحل شعائر الله - 00:04:28

ولا الشهر الحرام ولا الهدي ولا القلائد دي من حرمت ربنا سبحانه وتعالى. يبقى الجرأة على حدود ربنا والجرأة على حرمت ربنا. والرايات الحمر اللي كانت في الشوارع عندهم. والزنا والقتل والبغي ما فيش مراعاة لحدود الله. فتلات جرائم حرب تخليك عايز تولع فيهم. ولولا استنى - 00:04:48  
بقى بس عايز تولع فيهم اه انا هقول لك اهو انا عايز تفش غلك عايز تعرف ان هم ناس وحشين وحشين وحشين بس تعال استنى بس تعال نشوف بقى - 00:05:08

موازنات فقه الموازنات. تعال نشوف نتعلم من ربنا ازاى يبقى عندنا فرامل في نفسيتنا. مش اول ما نشوف حاجة غلط لازم على طول نصطدم حبيبي التغيير ما بيجيش كده ولولا رجال مؤمنون ونساء مؤمنات لم تعلموهم ان تطأوهم فتصيبكم منهم - 00:05:18  
انت فاكرك انك انت لو استفزيت الوقتي ودخلت انك انت كسبان عند ربنا ده انت هتحمي العار. عار امام الله وعار امام الدنيا كلها الى ان تلقى الله. ليه ؟ هاقول لك الوقتي اصبر بس عشان نتعلم فقه الموازنات بس نخرج بالفائدة الاولى يا جماعة. الفائدة المقارنة ما - 00:05:38

فين كل اللي قبل لولا وكل اللي بعد لولا ان رسالة للاخوة المسخناتية والمتدينين السخنين. يا جماعة الدين مش كده. الدين مش كده لازم يبقى عندك فرامل في نفسيتك حتى في الدنيا كلها. ما ينفعش اي حاجة تستفذك. ما ينفعش اما تشوف وضع غلط غلط. هذه بدعة هذا خطأ هذا منكر. هذا مراتي غلطت يبقى لازم - 00:05:58  
لازم اقف موقف صاحبي غلط لازم اقاطعه. حبيب قلبي بس بالراحة. الدنيا ما بتتاخدش كده. الدنيا بتتاخذ بالتوازن. عشان تقدر تعيش والا تفضل تخسر تخسر تخسر لحد ما تخسر كل حاجة بسبب صفة الاستفزاز. اللي عندك عشان كده كلمة مش هاقدر اسكت. ناس كتير قوي المبادئ بتكسر - 00:06:18

مش هاقدر اسكت. مراتي غلطت غلطة وكسرت الخطوط الحمراء. مش هاقدر اسكت. انا اه فلان عصي الله. مش هاقدر اسكت بس بالراحة بالراحة اصل الدنيا مش كده مش كل مش هقدر اسكت بطولة. مش كل مش هقدر اسكت شهامة ومجدعة وقيمة عند الله. احيانا - 00:06:38

بتبقى استفزاز استفزاز غلط عشان كده الله سبحانه وتعالى كلم النبي عن الحكمة يعني ايه الحكمة الحكمة بتاعة لجام الفرس اللي هي في راسه تيجي يمين ولا تيجي شمال. يبقى الحكمة ان يبقى فيه لجام في نفسيتك. انت بتتحكمي في نفسيتك مش نفسيتك اللي بتتحكم - 00:06:58

فيك. نفسيتك استفزت. تشدي اللجام. اصبري. عندك فرامل. الحكمة ان يبقى عندك فرامل في نفسيتك. فانت اللي بتتحكم في نفسيتك مش نفسيتك اللي بتسوق عشان كده الله سبحانه وتعالى يقول للنبي صلى الله عليه وسلم ولا يستفذه وان كادوا

ليستفزونك من الارض. يعني ايه يستفزونك؟ الاستفزاز - 00:07:18

جاي من كلمة الفز. الفز البقرة الوحشية لما بتولد المولود بتاعها هو لسة بيرضع منامه اسمه الفز. ها هو اول ما بيتولد على رجله بقى ويبدأ واحدة واحدة يجري حوالين امه ده اسمه الفز اللي اسمه الفز. سهل جدا انه يستفز لو اي وحش. طبعا بالنسبة له كتلة لحم كبيرة ومش فاهمة - 00:07:38

حاجة ولا عارف اي حاجة يبدأ يستفزه الاستفزاز ان حد يخرجك عن اعصابك وشعورك. ويخرجك عن اتزانك النفسي فيبدأ يستفز ويجري في اي اتجاه بعيد عن امه يقوم واكله على طول. يقوم ملتهب ومحطمه على طول. وان كادوا ليستفزونك هيقعوك في - 00:07:58

هيستفزونك عشان تعمل حاجة غلط بس يبدأوا يتعاملوا معك بعدوانية وقدام الدنيا كلها انت اللي غلطان. عشان كده الله سبحانه وتعالى يقول ولا يستخفك الذين لا يوقنون. اوعى تبقى خفيف. يستخفك عكس الحكمة. الحكمة انك تبقى متحكم في نفسك. يستخفك نفسك - 00:08:18

المتحكمة فيك خفيف ممكن تغضب بسهولة ممكن تستفز بسهولة ممكن تثور بسهولة ممكن تصطم بسهولة يا جماعة دي اول رسالة في الحلقة بتاعة النهاردة رسالة للاخوة والمتدينين والمتدينات اللي ياما حطموا مصالح في الدعوة بسبب الاصطدامات. وبسبب الاستفزاز وبسبب - 00:08:38

السخونية اللي هم معتقدين ان هي دين وهي مش دين. ده في النهاية معرفة بغير علم. معرفة. في النهاية والعياذ بالله يعني بيخسروا كل شيه والعياذ بالله النقطة الثانية في الاية اخر صفحة بقى من اول هنا يا جماعة لحد نهاية السورة كله رد على عمر ابن الخطاب رضي الله عنه وارضاه. سيدنا هم الذين - 00:08:58

كفروا لقد صدق الله رسوله الرؤيا. محمد رسول الله. كل الصفحة الاخيرة رد على ما قاله عمر بن الخطاب. رضي الله عنه وارضاه. لما النبي عليه الصلاة والسلام جه يعقد صلح الحديبية. عمر ابن الخطاب راح للنبي عليه الصلاة والسلام يقول له الست رسول الله؟ تخيلوا عمر ابن الخطاب بيعمل ايه؟ هو انت مش رسول الله - 00:09:20

على الحق! هو هو احنا مش صح! اليسوا على الباطل! هم مش هم دول الغلط! الست كنت تحد! اولست كنت تحدثنا انا سنأتي البيت ولطف انت مش كنت بتقول لنا يا رسول الله ان احنا هندخل وهنطوف احنا ما طوفناش اهو. عمر ابن الخطاب اللي قال كده يا جماعة - 00:09:40

عمر ابن الخطاب اللي قال الكلام ده كله. جايب لكم الكلام ده من صحيح البخاري. عمر ابن الخطاب اللي بيقول كده كل ده. فربنا بيقول هم الذين كفروا. اليسوا على الباطل؟ ايوه على الباطل - 00:09:58

يا عمر الست كنت تحدثنا انا سنأتي البيت ونطوف به؟ لقد صدق الله رسوله الرؤيا بالحق لتدخلن المسجد الحرام ان شاء الله محلقين رؤوسكم مش بس على الطوف. وكمان هتم العمرة وتحلق راسك او تقصر شعرك. الست نبي الله محمد رسول - 00:10:08

الله يعني ربنا بيرد على سيدنا عمر بن الخطاب. طيب هو النقطة الاولانية ربنا رد على عمر امتى؟ ما هو الوقت كده يعني ايه الوقتي احنا دخلنا الاقناع بقى انت اه نبي الله. وهم وهم الباطل هم الذين كفروا. وهتزيدك كمان وصدكم والهدي معكوكا. وكمان اسوأ من - 00:10:28

اللي انت قلته طيب مش هندخل ودفع ندخل ونطوف بازن الله سبحانه وتعالى. طب امتى ربنا رد على عمر؟ ربنا رد على عمر بعد اربع صفحات من تطبيب النفوس بالبشريات والفتوحات. يبقى يا جماعة قبل ما تجادل عقلية انسان افتح قلبه الاول وده من اسرار القرآن في - 00:10:48

فن الدعوة في القرآن. ان احيانا فيه ناس بتضيع بتضيع وقتها وخلاص. قاعد يقول كلام حلو اوي اوي. بس الواحد قلبه مقفول فقعد يدلو بالعقل آآ يجادلوا عشان كده الوقتي مسلا كثير من اللي بيناظروا النصارى في العالم بيناظروا وبيقولوا كلام قوي جدا وما حدش بيسلم غير عشرات مسلا في المناظرة زي - 00:11:08

كمان الصحابة كان اسلوبهم ايسر من كده بكتير في دعوة الكفار الى الاسلام. وكان يبسلم على ايدهم ملايين. ليه؟ لان الصحابة كانوا بيدخلوا من القلب الاول. بيدخلوا الاول بالكلام عن الله. الكلام عن الكلام اللي يفتح القلب. انما الوقت بيدخلوا من العقل. تعال بقى اما اجيب لك الاخطاء العلمية في التوراة والانجيل. تعال بقى اما اجيب لك - [00:11:30](#)

مع العلم الحديث في التوراة والانجيل. تعال بقى اما اجيب لك المتناقضات الكلام بقى الايه اللي بيضرب في بعضه وما بين الاناجيل الاربعة وما بين التوراة والانجيل تعال بقى اما اجيب لك الخمسميت جملة اللي سيدنا عيسى في الانجيل قال على نفسه انه بشر مش اله. تعال بقى اما اجيب لك الفضائح - [00:11:50](#)

جنسية في التوراة والزبور وان هو لا يمكن يكون ده كلام ربنا. تعال كله كلام عقل عقل عقل عقل. ففي النهاية عايشين الواحد ببسلمه. بعد المجهود الرهيب ده الصحابة كانوا بيدخلوا من القلوب وده اللي ربنا علمه لنا. ربنا الاول فتح قلب الصحابة. الصحابة مقفولين وحزانى ومش قادرين يستحملوا وكانوا يدبحوا نفسهم - [00:12:10](#)

الاول انا فتحنا لك ليغفر لك الله. ليدخل المؤمنين والمؤمنات جنات. بشرى آيات بشريات. بعد كده القلوب اتفتحت. تعالوا بقى اما اقنعكم تعالوا بقى عشان كده يا جماعة نتعلم من كده ايه اختار الوقت الصح. نتعلم نتعلم من فن الدعوة في القرآن ايه؟ هو انت لو عايز تدعو الناس الى الله؟ هتلاقي فن دعوة اعظم من - [00:12:30](#)

دعوة الله نفسه الناس الى الله. يبقى مين مين اللي علمنا الدعوة؟ ربنا سبحانه وتعالى كل حاجة خلى حد يعلمها لنا. يعني ربنا سبحانه وتعالى ايه خلاك تتعلم مسلا الطب من الدكاترة في كلية طب تتعلم الا الدعوة. ربنا هو اللي دعانا بنفسه في الكتاب العزيز عشان - [00:12:50](#)

اتعلم فن الدعوة من الله. فنشوف ربنا الاول بيفتح القلوب الاول كلام عن الله. الكلام اللي يرقق القلوب الكلام اللي في البشريات. الكلام اللي يخوف من الكلام الاول اللي يفتح القلب المس الجرس بتاع الباب. الناس تفتح لك الباب. وتدخلك بيتها. المس جرس القلب. الناس تفتح لك ابواب قلوبها - [00:13:10](#)

دخلك ساعتها تكلم الكلام الاقناعي خلاص القلوب اتفتحت. يبقى نخرج من كده ان الكلام الصحفي في الوقت الغلط عامل زي القرار الصحفي في الوقت الغلط. ما انا لو خدت قرار ابو سيدنا ابراهيم خد قرار صح. اليوم - [00:13:30](#)

ولا اعصيك. بس في الوقت الغلط يوم القيامة يتمسخ ضبع ويتشال ايدين ورجلين ويترمي في جهنم. خلاص والعياذ بالله يبقى القرار الصح في الوقت الغلط ما لوش لازمة. بعد ايه؟ كذلك الكلام الصح في الوقت الغلط. قبل ما تقول الكلام الاقناعي بتاع العقل ادخل الاول من القلوب. اتعلموا في الدعوة. افتحوا - [00:13:46](#)

قلوب الناس الاول. اتكلموا الاول مع العصاة. عن ربنا ما تستعجلش. بلاش تستفز من منزر القرع اللي في راسه. ولا منزر السلسلة والعقد اللي في رقبته ولا منزر البنطلون المقطع اللي مبين مفاتن جسمه ولا منظر التبرج الصارخ اللي هي لابساه. ولا بلاش تستفز المعصية. افتح القلب الاول - [00:14:06](#)

المس الجرس بتاع القلب الاول. الاول اتكلم عن الله عن الجنة عن النار عن حسن الخاتمة سوء الخاتمة عن الاثر الدنيوي للطاعة. بنسميها مداخل القلوب الاربعة الكلام عن الله ونعم الله وعظمة الله. واسماء الله وصفاته. وعطاءات الله وكرم الله ورحمة الله. رقم اتنين - [00:14:26](#)

الكلام عن الاثر الدنيوي للطاعة والاثر الدنيوي للمعصية ربنا هيديك قد ايه لو اطعته؟ طريق ربنا جميل وهينتقم منك ازاي؟ لو عصيته رقم ثلاثة الكلام عن الآخرة وحسن وسوء الخاتمة والقبر وعزابه ونعيمه والقيامة. والخمسين الف سنة والجنة والنار. رقم اربعة الكلام عن هم الدين واحوال المسلمين - [00:14:46](#)

وحرمت الله المنتهكة في الارض. افتح القلب وبعد كده كلم العقل يبقى امتى ربنا رد على عمر ابن الخطاب لما ربنا فتح القلوب الاول في اول السورة بعد كده تعالوا بقى اما نتكلم. طيب هو ربنا رد على سيدنا عمر ليه؟ يعني يعني معنى - [00:15:06](#)

ربنا رد على عمر وصفحة كاملة ربنا بيكلم سيدنا عمر يعني صفحة كاملة تعال يا عمر ابن الخطاب آآ انت كنت بتقول كذا آآ اه كذا

وكنتم بتقول كذا دي كذا. وكنتم بتقول كذا. هو سيدنا عمر ابن الخطاب. يا جماعة كأن الله قبل ما فعل عمر. كأن اللي عمله عمر ده ما كانش معصية. كأن اللي عمله عمر ده كان عمله - [00:15:21](#)

صالح ازاي؟ ما هو ربنا قابل وبيرد عليه وبيرد على الكلام ده معناه احتفاء بالحاجة اللي عملها عمر. ازاي بقى؟ عمر عمل اربع حاجات. عمر لما قال الست نبي الله؟ السنا على الحق؟ اليسوا على الباطل؟ اولست كنتم تحدثنا انا سنأتي البيت ونطوف به؟ عمل اربع اعمال صالحة - [00:15:41](#)

اللي هيعملها مننا حياته هتتغير. وهيبقى من قادة المجتمع. من قادة المجتمع المدني. من قادة الحياة. من الناس اللي اصنعوا الحياة بالدين المتدين والمتدينة والداعي الى الله والداعية الى الله. وطالب العلم وطالبة العلم اللي هيبقى فيهم الاربعة الاربعة صفات دول - [00:16:01](#)

دول هيبقوا من صناعات الحياة. دول هيبقوا من قادة الدين في الواقع. الاربعة صفات اللي عملهم عمر. رقم واحد الصراحة. الصراحة كله سكت ان نفوس الصحابة كان جواها يعني كبار الصحابة قالوا حتى كدنا نهلك. نهلك ده يعني في شبهات جوة الصدور. هتضيع له دينه. حتى كدما مالك. سيدنا عمر ابن الخطاب اتكلم - [00:16:21](#)

الصراحة الصراحة الصراحة دي من اخطر الصفات اللي انت تحافز بها على اخطر علاقات في حياتك. ازاي سيدنا محمد عليه الصلاة والسلام لما طلع في السماء السادسة. فلقى موسى بيقول يا رب يبكي. غلام يبعث من بعدي. يدخل من امته اكثر مما - [00:16:41](#) ممن يدخل من امتي الجنة؟ سيدنا موسى سيدنا محمد فزع فيقول لجبريل ما هذا جبريل؟ هو ازاي سيدنا موسى بيكلم ربنا كده؟ هو يقول له واحد يبجي بعدي ويدخل الجنة منه. فقال جبريل ان الله قد علم منه الصدق. يعني ايه؟ هو مش قصده يعترض على ربنا. هو جواه احساس - [00:16:59](#)

الحزن انه مش الاول على البشرية في عدد اللي هيدخلوا الجنة بسببه. بس انما هو مش قصده اعتراض على ربنا. سبحانه وتعالى. ان الله قد علم منه صدق الصراحة يا جماعة. ربنا ما بيكرهش الصراحة. بالعكس ربنا بيقبل الصراحة كعمل عظيم. زي ما قبلها من عمر هنا ورد عليه. زي النبي عليه الصلاة والسلام لما - [00:17:19](#)

غنائم حنين غنائم مليارات بقى. وقام موزعها على مسلمة الفتح. الكفار بتوع مكة اللي كانوا لسة امبارح كفار. وساب الانصار ما ما فيهمش حاجة. الانصار نفوسهم بدأت لاول مرة بدأت لدرجة ان سعاد ابن عبادة راح للنبي عليه الصلاة والسلام قال له يا رسول الله ان هذا الحي من الانصار - [00:17:39](#)

الانصار قومي قد وجدوا عليك في صدورهم. يا رسول الله الانصار الصراحة مش الصح بقى انه كان يسكت ويبقى جوة النفوس حاجة ممكن تطلع ساعة الموت تهلك النبي ادم. اه او تطلع ساعة ازمة لا بقى. ده انا ساكت على كتير بقى. وتسيبي نفسك توصلي للانفجار مع جوزك ليه - [00:17:59](#)

ما تكلميه بصراحة ايه اللي مضايقتك! ما تقول لمراتك ايه اللي الصراحة هي اللي هنحافز بها على علاقتنا الغالية. انا اعظم شخصيات في حياتي فضل مني انت لو اكتر اخواني - [00:18:19](#)

في الدعوة والتربية وحياتي ربنا جعل من اهم الاسباب للتحافز عليهم ان انا صريح معهم. زعلان اقول زعلان وهو زعلان يقول لي زعلان. وما زعلش من زوجتي اي علاقة عايز تحافظ عليها خليك صريح مع اللي قدامك. ما تكتمش في نفسك ستنفجر بعد كده. قل بصراحة انا انا جوايا كذا انا - [00:18:29](#)

شاك في كذا. ولو رد خلاص اقبل اعتزاز اللي قدامك. حافزوا على العلاقات الثمينة في حياتكم بالصراحة المتبادلة وبلاش الهشاشات النفسية اللي عندنا. ما حدش مستحمل نقد. ما حدش مستحمل الثاني يقول له انه زعلان منه في حاجة. يا جماعة يا جماعة خلوا نفوسنا تعلو بقى - [00:18:49](#)

خلونا ننضج بقى. خلونا نقدر نعيش مع بعض ما عايش فيه اتنين دعاة عارفين يعيشوا مع بعض. ما عدش فيه اتنين كوادر عمل خيري ولا شغل ديني على الت عارفين - [00:19:07](#)



يعيشوا مع بعض ما عدش فيه ناس من اهل الدين عارفين يعيشوا مع بعض ليه ؟ ما فيش صراحة وده متضايق في ده كزا ، وده شاييل من صدره ان ده عمل فيه كزا ، يا جماعة ما نتصارح - [00:19:17](#)

ونتصافى ونكبر ونتعلم الوعي هو رجال الاعمال الكبار عرفوا يشتغلوا مع بعض ازاي. اهل الدنيا لانهم عارفين ان المصلحة ان احنا نفضل مع بعض. طب عشان نفضل مع بعض لازم نبقي صرحا مع بعض. هو خمسين دولة اتوحدوا وعملوا امريكا ازاي ؟ الصراحة يا جماعة لازم نبقي صرحاء وصادقين في ان مصلحتنا - [00:19:27](#)

كلنا واحدة سعد ابن عبادة قال للنبي بصراحة ان هذا الحي من الانصار قد وجدوا عليك في صدورهم. يا رسول الله الانصار شاييلين. كلمة كبيرة هو دي فالنبي قال له واين انت يا سعد؟ طب انت فين بقى ؟ قال انما انا امرى من قومي. انا كمان يا رسول الله. انا كمان زعلان. زعلان مني انا يا سعد - [00:19:47](#)

انا كمان زعلان يا رسول الله. النبي قال له اجمع لي قومك الانصار. ما تدخلش حد تاني. انصار بس. متخيل! لازم اواجه. ما هو بصراحة يا استاز صراحة بقى النبي عليه الصلاة والسلام قال يا معشر الانصار الم اتكم ضلالا فهذاكم الله بي؟ تعالوا بقى ما نتكلم بصراحة. تعال بس نتكلم بقى بصراحة. انا - [00:20:09](#)

عالة فاغناكم الله بي. الم اتكم اعداء فالف الله بين قلوبكم؟ قالوا المنة لله ورسوله. ايوه. قال يا معشر الانصار لئن شئتم فلقلتم فلصدقتم ولصدقتم. انا هقول لكم بقى اللي انتم مش قادرين تقولوه. انا هبقى صريح لدرجة ان انا هقول اللي انتم مش - [00:20:29](#) تقولوه على لسانكم هقولوه على لساني انا. لان شئتم فلقلتم جئتنا طريدا. افكر يا محمد يا ابن عبدالله كنت جاي لنا وانت بتجري من سرقة بن ما لك ومن اللي هيوصروك في الغار جئتنا طريدا فاويناك وجئتنا خائفا فامناك - [00:20:49](#)

وجئتنا عائلا فاسيناك وجئتنا افكر افكر يا يا مش ده اللي انتم عايزين تقولوه فكشفوا فقال فيا معشر الانصار اوجدتم في انفسكم ما تقولوليش مش زعلانيين ايوه انتم زعلانيين ايوه انتم شاييلين في صدركم الوقتي مني اوجدتم في انفسكم - [00:21:09](#) لعاعة من الدنيا حنة الدنيا حقيرة شوية غنم وبهايم تالفت بها قلوب قوم ووكلت اسلم ووكلتكم الى ما من الله به عليكم من الاسلام. انتم خدتوا الاسلام وهم خدوا شوية بهائم. خدوا شوية بهائم. انتم خدتوا الاسلام. يا معشر - [00:21:29](#) الانصار يا معشر الانصار والله لو سلك الناس شعبا. وسلك الانصار شعبا لسلكته. شعب الانصار. انا عمري ما هاختر حد عليكم يا معشر الانصار اما ترضون ان يرجع الناس بالشاء والبعير؟ الناس هيرجعوا بشوية بهائم. وترجعون برسول الله في رحالكم. وانتم -

[00:21:49](#)

برسول الله معكم قعدوا يبكوا قعدوا يعيطوا الصراحة يا جماعة الصراحة بتجيب النهايات السعيدة ده ايه؟ لان خلاص النفوس لانت والنفوس صفة يبقى الصفة الاولانية من صفات عمر ابن الخطاب - [00:22:09](#)

الي ربنا قبلها منه صفة الصراحة انه اتكلم بصراحة. الصفة الثانية الحكمة ما هو احيانا فيه صراحة هوجاء. فيه صراحة رعناء فيه صراحة يخرب الدنيا الحكمة بقى سيدنا عمر بن الخطاب ما وقفش في وسط الجيش وقال لهم اليس رسول الله؟ حد يا جماعة يقول لي السنا لا لا لا ده راح للسدير - [00:22:25](#)

سيدنا محمد لوحده يا رسول الله الست رسول الله بيتكلم بينه وبين النبي؟ فالنبي عليه الصلاة والسلام قال له فانك اتيه ومطوف به. النبي رد عليه قام رايح لعمر ابن الخطاب - [00:22:45](#)

لوحده يا ابا بكر اليس رسول الله؟ السنا على الحق؟ اليسوا على الباطل؟ اليس اوليس كان يحدثنا انا سنأتي البيت ونطوف به؟ يبقى قدام النبي وقدام ابو بكر بس ما عملش شوشرة في الجيش. ما عملش بليلة لان ممكن تكون انت انسان عاقل فبتتسائل عشان تسبب - [00:22:55](#)

نفسك ها انما في واحد تاني ما تضمنش بقى رد فعله لو سمع الكلام ده. ممكن تحصل مصيبة. يبقى تاني حاجة الحكمة يبقى صراحة ولكن بحكمة. مش صراحة نفضح بعض - [00:23:15](#)

صراحة بحكمة وب عقل وبرشد وبتقدير. الصفة الثالثة من صفات عمر بن الخطاب الرهيبة اللي في هذه الايات هي صفة المواجهة اه

00:23:47 - مطعون. واجهه

ایاتنا - 00:24:07

بقی - 00:24:27

ساعة الموت الشكوك دي تطلع. طب هتعمل ايه - 00:24:47

والسلام عليه الصلاة والسلام التشييك على - 00:24:57

الله. ربنا قایل الحكم الا لله - 00:25:17

الباطل؟ بیشیک علی - 00:25:37

فقر شدید آآ فیہ ناس لو اتطلق آآ طلق زوجته ولا - [00:25:56](#)

رقم تلاتاشر - 00:26:16

00:26:34 -

00:26:54

عمر بعد ما فتح القلوب بدأ يكلم - 00:27:14

اقول وباول حاجة الثانية ان ربنا قبل من عمر اربع صفات الصراحة الحكمة في الاعلان عما يريد الصراحة الحكمة المواجهة واجه مشاكلك وصلح نفسيتك وقلبك ومشاكلك اللي من جوة. رقم اربعة التشييك على السوابت. انك انت لازم - [00:27:24](#) دايم تشييك على سوابت العقيدة وتوحيد النفع والضرر. والتوحيد واليقين في الله وعشان ما تجيش لحزة تفاجئ انك سمعت شبهة ضيعت لك دينك ولا ساعة موت ولا ساعة جهاد ولا ساعة ابتلاء شديد. اعمل حساب اللحزات الزلزالية وخليك جاهز ومستعد باليقين الراسخ اللي جواك. اللهم اجعل - [00:27:44](#)

العظيم ربيع قلوبنا ونور صدورنا وجلاء احزاننا وذهاب همومنا اللهم انا عبيدك منو وعبيدك بنو امائك نواصينا بيدك ماض فينا حكمك عدل فينا قضاؤك نسألك بكل من هو لك سميت به نفسك وانزلته في كتابك. او علمته احدا من خلقك او استأثرت به في علم الغيب - [00:28:04](#)

عندك ان تجعل القرآن العظيم ربيع قلوبنا ونور صدورنا وجلاء احزاننا وذهاب همومنا سبحانك اللهم اللهم وبحمدك اشهد ان لا اله الا انت استغفرك واتوب اليك. جزاكم الله خير - [00:28:31](#)